

Il Grischun – in mund per mangiabains

Il «Gault Millau» 2021 è cumparì

GION NUTEGN STGIER/FMR

■ La regiun ch'è in vair eldorado per gourmets è anc adina l'Engiadin'Ota. Dentant er la Surselva s'avanza d'onn tar onn tar ina regiun cun bunas adressas per mangiabains. Nagin paradì per gourmets è lura la chapitala grischuna. Dapi ier è il «Gault Millau» 2021 sin maisa. Suentar da 38 onns cumpara quel adina en il decurs da l'atun, intginas emnas avant che la stagiun d'enviern entschaiva en il Grischun. Il «Gault Millau» è e resta la bibla per persunas cun in nas fin ed el è er quel guid nua ch'ìls cuschiniers na vegnan betg mo ludads. Ils passa 40 experts han prendì 830 restaurants e lur cuschinunzs sut la marella per l'ediziun dal pli nov «Gault Millau». Tranter las 830 top adressas svizras per mangiabains derivan gist 80 dal Grischun. Remartgabel è bain che da quels 80 restaurants grischuns sa chattan gist 26 en l'Engiadin'Ota, be a San Murezzan èn quai 17 restaurants. Sin il mund na datti strusch in flatg uschè pitschen cun tants restaurants da la classa superiura, sco l'Engiadin'Ota. En questa chaussa è quella regiun davairas in paradì per mangiabains.

Quatter cun 18 puncts

A la testa da la rangaziun grischuna è er quest onn *Andreas Caminada* dal restaurant «Schauenstein» a Farschno. El tutga en Svizra tar in da quels set cuschiniers che han retschet dals experts 19 puncts per lur cuschina exquisita. Caminada è en il mund da la cuschina in vair star, da cumparegliar cun in star da pop ubain da rock. Gist quatter restaurants grischuns han 18 puncts e tutgan uschia er tar l'elita naziunala. Nagina surprisa è segir ch'ìls duas frars *Enrico* e *Roberto Cerea* han 18 puncts. L'enviern cuschinan els a San Murezzan en il «Da Vittorio» e la stad segnan els per la cuschina en il «Da Vittorio», lur agen restaurant, en la vischinanza da Bergamo. 18 puncts han er survegnì ils dus cuschiniers *Mitja Birlo dal Silver* a Val e *Rolf Fliegelfauf* da l'Ecco a Champfèr. *Martin Delsass* dal Talvo a Champfèr ha anc adina 18 puncts sco gia dapi intgins onns.



Andreas Caminada, el è e resta il top cuschinier dal Grischun.

FOTO OLIVIA AEBLI-ITEM

Da nov 16 puncts per la Casa Alva Trin

Quatter restaurants dal Grischun dastgan proximamain montar avant lur isch la tavla cun mintgamai 17 puncts da «Gault Millau». Vinavant 17 puncts ha *Dario Cadonau*, el che maina cun sia dunna *Tamara Cadonau* cun bier cor l'hotel In Lain a Brail, in dals hotels singulars che nus avain en il Grischun. Er 17 puncts han la Cà d'Oro ed il Igniv a San Murezzan e lura il Glow a Tavau. Ina fitg buna adressa cun ina cuschina fina è la Casa Alva a Trin. *Reto Gadola*, el è il cuschinier ed ospitant e dapi ier ha el da nov 16 puncts «Gault Millau». El merita d'esser da nov tranter ils megliers cuschiniers grischuns cun esser gugent cuschinier cun corp ed olma. Dasperas la Casa Alva a Trin han lura anc diesch au-

ters restaurants dal Grischun retschet dals experts 16 puncts. Quai è bain ina conferma ch'il Grischun è in vair mund per mangiabains.

Scuvert 11 novs restaurants

Da nov en la bibla per gourmets figureschan gist 11 restaurants dal Grischun. Retschet da nov, e quai gist 15 puncts, ha il restaurant Kornplatz a Cuira. Set ustarias han survegnì da nov 13 puncts. Tranter quels er la Stiva Grischuna a Mustér, la Chesa a Flem, la Casa Caminada a Farschno e lura il Giardino a Lai, il restaurant da l'hotel Lenzerhorn. Trais bunas adressas han survegnì damain puncts en cumparaziun cun l'onni passà e quatter restaurants en noss chantun han retschet in punct dapli.

Restaurants grischuns en il «Gault Millau» 2021

19 puncts

Schauenstein, Farschno

18 puncts

Ecco, Champfèr
Talvo, Champfèr
Da Vittorio, San Murezzan
Silver, Val

17 puncts

Vivanda, Brail
Glow by Armin Amrein, Tavau
Cà d'Oro, San Murezzan
Igniv, San Murezzan

16 puncts

Waldhotel, Arosa
Mulania, Laax
La Riva, Lai
Guarda Val, Lai
Kronenstübli, Puntraschigna
La Miranda, Samignun
Matsuhisa, San Murezzan
Suvretta, San Murezzan

Tödi, Trun

Chastè, Tarasp
Casa Alva, Trin

15 puncts

Postigliun, Andiastr
Kornplatz, Cuira
Adler, Fläsch
Mühle, Fläsch
Casa Casutt, Glion
Chesa Grischuna, Clostra
Scalottas Terroir, Lai
Stüva Colani, Madulain
Krone, La Punt
Stiva Veglia, Schnaus
Guarda Val, Scuol
Chesa Veglia, San Murezzan
Dal Mulin, San Murezzan
Gasthaus am Brunnen, Valendau
7132 Red, Val

14 puncts

Muntanella, Arosa
Ahaan Thai, Arosa
Le Bistro, Arosa
Stüva Cuolm, Arosa
Pöstli, Tavau
Va Bene, Cuira
Alpenrösli, Clostra
Alpina, Clostra
Elephant, Laax
Groven, Lostallo
Murtaröl, Plaun da Lej
Vista, Sagogn
La Padella, Samedan
Chasellas, San Murezzan
Enoteca, San Murezzan
Hato, San Murezzan
El Paradiso, San Murezzan
Kulm Pizzeria, San Murezzan
Kulm Suny Bar, San Murezzan
Castell, Zuoz

13 puncts

Da Noi, Cuira
Stern, Cuira
Jarno, Tavau
Cavigilli, Flem
Chesa, Flem
Casa Caminada, Farschno
Alter Torkel, Jenins
Giardino, Lai
Stiva Grischuna, Mustér
Gianottis, Puntraschigna
Brasera, San Vittore
Fagetti, San Vittore
Nira, Silvaplana
Posta Veglia, Schluain
Kulm Country Club, San Murezzan
Seehof, Valbella
Corona, Vicosoprano
Capricorns, Casti-Wergenstein